

尚友錄

(明)廖用賢編



尚友錄卷七

閩綬安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 校正

張任郎 夢選

三肴

三包

上黨羽音楚大夫申包胥之後以字為氏又望出丹陽

包

咸

漢字子良會稽人客于東海為赤眉所得晨夜誦經自若賊異而遣之光武中興歸鄉里

舉孝廉除郎中入授太子論語累遷大鴻臚明帝即位以咸有師傅恩特加賜俸祿咸皆分給

與諸生之貧者

包

融

唐吳興人有才名制科擢第官至集賢學士與賀知章張旭張若虛齊名號吳中四士子

二人何起居舍

人佶刑部侍郎

包

拯

宋字希仁廬陵人令儀子舉進士第嘗為郡守不少屈以狗鄉曲吏事推為第一知

封府貴戚宦官爲之敎吏民不敢欺童稚婦
女亦知其名呼曰包待制京師爲之語曰關節
不到有閻羅包老以其笑比黃河清焉擢御史
中丞時東宮久闕儲嗣未定拯言東宮虛位日
久天下以爲憂夫萬物皆有根本而太子天下
之根本也根本不立禍孰大焉帝曰卿欲誰立
拯曰臣非才備位所以乞豫建太子者爲宗廟
萬世計爾臣年七十且無子非邀後福者帝喜
曰當徐議之累官樞密副使爲人峭直剛毅惡
吏苛人雖嫉惡如仇而未嘗不推以忠恕與人
不苟合不僞辭色以悅人平生無私書故人親
黨干謁一切絕之其飲食服用善儉朴雖貴如
布衣時卒贈禮部尚書

謚孝肅有奏議十五卷

包天麟

宋字仁甫江陰人咸淳間舉博學宏詞科嘗注詩書易春秋年八十三手不釋卷子二

植櫟俱

登科

包

整

宋涇縣人少嗜學好義家貯書爲萬卷堂子三人泰明廸功郎泰亨充解泰南劍州劍浦

縣丞兄弟義聚八十餘年有靈芝產其堂人名其堂曰芝堂

包

瑜

宋字希賢由舉人仕教諭致仕歸淮王幣聘脩書一時知遇進講便殿賜坐所著通鑑事

類一百二十一卷左傳事類四十卷王閼之甚喜遂梓行于世居七年告歸投老林下撰韻府續編一百二十三卷春秋講義向身演義讀史六事讀書備忘稽古齋集諸書藏于家

包

鼎

宋宣州人以
畫虎名家

茅

東海商音周公第三子茅叔封茅國
子孫以國爲氏又望出陳留晉陵

茅

濛

周字初成咸陽人博學深鑒知周室將衰不
求仕進歎曰人生若流電爾奈何久逃塵寰

中於是師鬼谷先生受長生之術遂入華山脩
煉秦始皇三十九年九月庚子乘龍白日昇天
先是邑人謠曰神仙得者茅初成駕龍上昇入
太清時下玄州戲赤城繼業而往在我盈帝若
學之臘嘉平秦始皇聞之因改臘爲嘉平玄孫
盈固衷三人皆得仙居茅山濛玄孫盈字叔
申弟固字季偉次弟衷字思和盈生于漢景帝
中元五年少秉異操獨味清虛年十八遂棄家

入恒山脩道餌术得見王母授以太極玄真之經父怒其久出欲杖之盈跪曰盈已受聖師符籙有天兵侍衛大人行杖恐天兵相阻恐加罪重父欲驗其言故杖之杖折數十段父始悟其道成宣帝初元四年辭別家人親友乘雲冉冉而去時弟固爲武威太守衷爲西河太守闢兄飛昇皆棄官還家求兄于東山盈乃教二弟延年不死之法後亦成仙居茅山世稱三茅真君

茅

焦

秦齊人聞始皇遷太后於雍下令敢諫者死諫而死者二十七人焦請諫王大怒按劍而坐口正沫出趣召鑊欲烹之焦徐行至前謁起稱曰臣聞有生者不諱死有國者不諱亡死生存亡聖主所欲急聞也陛下有狂悖之行四不自知邪車裂假父囊撲二弟遷母於雍殘戮諫

世樂紂之行不至於是令天下聞之盡解無
向秦者臣竊爲陛下危之言已乃解衣伏質王
下殿手接之爵以上卿自駕虛左方迎太后歸
復爲母子如初太后大喜曰天下亢直使妾母
子復相見者茅君之力也楊子曰茅
焦歷井幹諫秦王可謂劇虎牙矣

茅容

漢字季偉陳留人年四十餘耕於野避雨樹
下衆皆夷踞容獨危坐愈恭郭林宗見而異
之因留寓宿旦日容設雞爲饌泰意謂爲已設
旣而供母餘半皮置自以艸蔬與客共飯林宗
曰卿賢哉遠矣郭林宗猶減三牲之具以供賓
旅而卿如此乃我友也起對之揖因勸就學

茅炳靈

唐陳留人大厯
中登第工詩

茅

相

宋丹徒人慷慨有大志宋末急於用人以陸秀夫薦除兵部侍郎從之海上死兵勢逼同

帝赴海

而死

茅

革

宋全椒人仕爲貴池令民有兄弟訟田者革爲垂涕說之曰同生當相撫以恩義兄弟感泣而去其後革五

子皆進士及第

茅知至

宋仙遊人操尚介潔不求聞達築廬隱於縣之西山下頻以六經教授鄉里蔡襄甚愛重

之景祐中龐籍以德行薦補州學教

授有周詩義二十卷至性書三卷

茅信卿

宋泰州人四世同居舉家百餘口每旦家長坐堂上卑幼各以序立拱手聽命分任以事

畢則復命其有怠惰輒鞭辱無有怨言雖祁寒
盛暑亦如之州守霍仲順聞于朝旌表其門曰
四世孝

義之門

巢

彭城商音有巢氏之後封于巢而蒲黜許實效
子孫以國爲氏又聖出魯國大經曰谷外則文

巢

父

上古堯時隱人也山居不營世利年老以樹
爲巢寢其上故時人號曰巢父堯讓天下于

巢父巢父曰君之牧天下猶予之牧犢無用天
下爲乃過清冷之水洗其耳曰向聞貪言汚吾
耳也堯以天下讓許由由以告巢父巢父曰汝
何不隱汝形藏汝光若寒暑也擊其膺而下
之由悵然不自得
遂去終身不相見

巢元芳

漢著

病源

巢

猗

南北國子助教撰尚書

義士卷尚書音釋三卷

巢

谷

宋字元聲睢山人傳其父中學舉進士谷素

巢

存寶善後存寶坐罪死谷逃避江淮間會赦乃

巢

訪軾至新州病死軾聞哭之失聲曰谷於朋友

兄弟

之義無所不厚惜其不遇襄子而前遇存寶後

膠

商末賢人太師少師剋殷開于博城宋其門曰

膠鬲之後其

膠

蒼

漢武帝時與朱買臣嚴助終軍司馬遷之倫首辯博暢達溢于文詞

四豪

高

渤海齊太公六代孫文公子高孫侯以王父字爲氏

高

柴

周字子羔衛人齊人敬仲侯十代孫也少孔子三十歲爲魯成宰成人有其兄死而不爲

哀者聞子羔將至遂爲哀成人曰蠶則績而蟹有匡范則冠而蟬有綏兄則死而子羔爲之哀子羔葬其妻犯人之禾申祥以告曰請庚之子羔曰孟氏不以是罪予朋友不以是棄予以吾爲邑長於斯也買道而葬後難繼也子羔仕於衛爲士師別人之足有崩殞之難子羔出

走郭門刑者守門焉謂子羔曰於彼有缺子羔
曰君子不踰又曰於彼有竇子羔曰君子不隧
又曰於此有室子羔乃入焉旣而追者罷子羔
將去謂刑者曰吾不能虧主之法而親刑子之
足吾今在難正子報怨之時而逃我者三何哉
刑者曰斷足固我之罪者昔公之治臣也傾側
法令先後臣以法欲臣之免於法也臣知之獄
決罪定臨當論刑君愀然不悅見於顏色臣又
知之君豈私臣哉天生君子其道固然此臣之
所以悅君也孔子聞之曰善哉爲吏其用法一
也思仁恕則樹德加嚴暴則樹怨公以行之其
子羔乎自見孔子出入於戶未嘗越履往來過
之足不履影啟蟄不殺方長不折執親之喪泣
血三年未嘗見齒君子以其爲難慕在沂西南

一百三十里一在陽穀縣

唐贈共伯宋封共城侯

高漸離

周燕人善擊筑同荆軻入秦刺秦王軻死漸離後以擊筑得幸置鉛筑中撲秦王爲軻報

仇不中

被殺

高堂

漢魯人官博士以禮書七十篇授瑕丘蕭奮奮以授后蒼蒼以授戴德戴聖言禮多宗之

高恢

漢字伯達京兆人少治老子恬虛不營世務與梁鴻善隱于華陰山中及鴻東游二人遂

不復相見恢高抗

匿耀終身不仕焉

高相

漢沛人治易亡章句專說陰陽災異其學自言出于丁將軍

高

鳳

漢字文通葉縣人少耽學家以農爲業妻嘗

誦經麥爲潦水所漂妻還怪問鳳方悟晝夜讀書不息遂成名儒元和間教授西唐山中不應

徵辟隱身

漁釣而終

高

獲

漢汝南新息人游學京師與光武有素師事司徒歐陽歙歙下獄當斬獲帶鉄鎖詣闕爲

請光武謂曰朕欲用子宜改常性獲對曰臣受性于父母不可改之子今遂辭去三公爭辟不

應獲善天文遁甲能

役鬼神所言多驗

高

頤

漢與弟君實子文玉俱有才行一門三舉孝廉

高

彪

漢字子武無錫人舉孝廉第一除郎中校書東觀數奏賦頌奇文因事諷諫靈帝異之遷

內黃令有德政靈帝詔東觀畫彪像以勸學者

高

允

南北字伯華渤海脩人漢太傅褒之後少有奇度仕魏爲郎授太子經命與崔浩同脩國

中及浩被收事連及允太子入言高允小心慎密且制由崔浩請赦允死魏主問曰國書皆浩所爲乎允曰臣與浩共爲之浩總裁而已著述臣多于浩魏主怒曰允罪甚于浩何以得生太子懼曰天威嚴重允迷亂失次耳臣問彼言皆浩所爲魏主問信如東宮所言乎允曰臣罪當族不敢妄殿下哀臣欲救其生耳魏主曰直哉此人情所難遂赦之太子讓允曰吾爲卿脫死